

dem auch die gar alten Historici solches nicht vergessen / wie vnter andern im Li-
vio zu lesen / Decade 4. lib. 1. Urbis conditæ 572 : Item Dec. 5. l. 1. V. C. 580 : Item
Dec. 3. l. 9. V. C. 550 : & Dec. 3. l. 8. V. C. 548. &c.

Ob ich aber wol selbst in der Person (welches ich warlich beklage) diß Zei-
chen nicht angeschawet habe / bin ich doch von vielen fürnehmen vnd Christlichen
Personen gebeten worden / was mir aus den Historien bewust / so zumor auff sol-
ches prodigium erfolget were / auffß Pappier zu bringen : welches ich auch / da-
mit mir nicht eine faulheit oder sicherheit zugemessen werden möchte / habe thun
wollen / vnd zwar kürzlich / weil ich sonst mit meinen Amptsgeschäften vnd stu-
dijs beladen gewesen. Sol mir derwegen für keinen fürwis außgeleget werden /
als wenn ich andern / die es besser verstehen / vorgeiffen wolte.

Vnd nach dem der Ehrwürdige vnd wolgelarte M. Matthias Crumbtunge-
rus, Diener des Göttlichen worts alhier in der Thumbfirche / obgedachte Wun-
der Sonnen augenscheinlich / mit besonderm fleiß observieret / vnd vom anfang
biß zum ende angeschawet hat : Als hab ich ihn bitlich vermocht / alle vmbstände
dieses Zeichens mir Schriftlich zuuermelden / in massen seine Epistel vnten am
ende zu finden / darin er zierlich / fleißig / vnd im grunde mit allen vmbständen / sol-
ches beschrieben hat.

Nemlich (damit ichs nur kurz in einer Summa begreiffe) daß
vmb 12. vhr des Mittags / obgedachten 3. Aprilis, der Himmel o-
ben schön helle vnd klar / vnd fast weiß / (als die Milch oder Ja-
cobsstrasse des Nachts zuscheinen pfleget) : Vnten aber herumb /
nach den vier plagis oder örtern der Welt / blau licht von farben ge-
wesen sey : Das Corpus der rechten Sonne schön helle vnd fast rot /
vnd außwärts vmb das ende oder circumferentz pullo colore, etwas
tunckel braun : Ihre Stralen aber vermischet / bald von Milchfar-
ben / bald rotschimmerndt. Vmb die Sonne herumb seind zwö groß-
se weite coronæ, Halones, oder zwö Zirkel gegangē / zu ringst ganz /
vnd hellscheinend / Jedoch hat der kleinere Zirkel den grossen an
glanz vbertroffen / vnd mit der Sonnen ein centrum oder mitteln-
punct gehalten / auch dreyerley schöne helle farben gehabt. Die
inwendige farbe ist gar fewrig gewese / die mittelste erstlich braun /
darnach gar Himmelblaw / die letzte ganz weiß. Ebener massen
ist der grosse Zirkel also vnterscheiden / inwendig vnd auff beiden
seiten gefärbet gewesen. Aber der grosse Zirkel hatte ein ander
vnd peculiare centrum gehabt / in linea perpendiculari circuli minoris,
verfus meridiem &c. wie vnten in der Latelnischen Epistel zuverne-
men. Auff den seiten beider Zirkel in einer geraden Linea / die ein
wenig